

ሰብሐተ ማኅሌት ዘጥቅምት መድኃኔ ዓለም

ዋይማ

ሃሌ ሉያ መስቀልክ እግዚአ ሐፀር ወጥቅም መሠረተ ቤተ ክርስቲያን፤ ጽንዕት ቤዛነ ለእላ አመነ ሞገሶሙ ለጻድቃን መስቀል ኮነ ቤዛ ብዙኃን።

ምልጣን

ጽንዕት ቤዛነ ለእላ አመነ ሞገሶሙ ለጻድቃን መስቀል ኮነ ቤዛ ብዙኃን፤ መስቀል ኮነ ቤዛ ብዙኃን ።

አመላለስ(የሚሸበሹበ ወረብ)

መስቀል ኮነ ቤዛ ብዙኃን፤(፪)

መስቀል ኮነ ቤዛ ብዙኃን(፬)

የዋይማ ሰላም

ሃሌ ሉያ የም በዓለ መስቀሉ በሰማያት በላእኤ ወዘነግሠ በምድር ከመ ያብርሀ ለአሕዛብ ወለኩሉ ዓለም በፍሥሐ ወበሰላም ወትረ ይሴባሕ በቅዱሳን ።

አመላለስ

በፍሥሐ ወበሰላም(፬)

ወትረ ይሴባሕ በቅዱሳን ።(፬)

ዘሌሊት

የምንኛውም ወርኃ በዓልና ክብረ በዓል ሥርዓተ ማኅሌት መግቢያ (መጀመሪያ)

ስምዒን እግዚአ ጸሎትየ ሃሌ ሉያ ሃሌ ሉያ ወይብጻሕ ቅድሜክ ገአርየ ሃሌ ሉያ ሃሌ ሉያ ወኢትሚጥ ገጸክ እምነየ። በዕለተ ምንዳቤየ አጽምእ እዝነከ ኅቤየ ሃሌ ሉያ ሃሌ ሉያ አመ ዕለተ እጼውአክ ፍጡነ ስምዒን ሃሌ ሉያ ሃሌ ሉያ ለዓለም ወሰዓመ ዓለም።

ሃሌ ሉያ ዘውአቱ ብሂል ። ንወድሶ ለዘሃሎ **እግዚአብሔር** ልዑል።

ስቡሕ ወውዱስ ዘሣረረ ኩሎ ዓለም በአሐቲ ቃል ።

(ከዚህ በኋላ ያለው የየበዓሉ ይለያያል)

መልከዓ ሥላሴ ሰላም ለኩልያቲክሙ እላ ዕሩያን በአካል። ዓለመከሙ ሥላሴ አመ ሐወፀ ለሣሕል ።እምነክሙ አሐዱ እግዚአብሔር ቃል። ተፈጸመ ተሰፋ አበው በማርያም ድንግል። ወበቀራንዮ ተተክለ መድኃኔት መስቀል።

ዚቅ

ዝኬ ዘተዘርዓ ቃለ ጽድቅ በትውክልተ መስቀል።ወፍሬሁኒ ኮነ መንፈስ ሕይወት ተስፋሆሙ ለእላ ድኅነ ወበጽጌሁ አርአየ ገሃደ አምሳለ ልብሰተ መለኮት ዕቃረ ማየ ልብን ጽጌ ወይን ተስፋሆሙ ለጻድቃን።

ማኅሌተ ጽጌ ዓይኑ ዘተገብረ ፈውሰ። እምቅድመ ትትወለዲ ድንግል እቤተ ክህነት ወንግሥ።መድኃኔ ዓለም ኮነ ደመ ጽጌኪ ክርስቶስ።እሰግድ ለተአምርኪ በአብራክ ሥጋ ወነፍስ። በከመ ሰገደ ለወልኪ ዮሐንስ በከርሥ።

ወረብ

ዓይኑ ዘተገብረ ዘተገብረ ፈውሰ ድንግል እምቅድመ ትትወለዲ (፪)

መድኃኔ ዓለም ኮነ ደመ ጽጌኪ ክርስቶስ ዓለም መድኃኔ ዓለም።(፪)

ዚቅ

መድኃኔት ኮነ ለአሕዛብ መድኃኔት ኮነ መድኃኔት ኮነ ለአሕዛብ መድኃኔት ኮነ

ማኅሌተ ጽጌ ከመ ሰዶም እምኮነ ወከመ ገሞራ እመሰልነ ። እግዚአብሔር ኪያኪ እመ ኢያትረፈ ለነ።በትረ ተአምር ማርያም እንተ ጸገይኪ መድኃኔ።ዘይቤ ኢመጸእኩ እጸውዕ ጻድቃነ።አላ ለንሥሐ ኃጥአነ።

ወረብ

እግዚአብሔር ኪያኪ እመ ኢያትረፈ እም ኮነ ከመ ሰዶም እምኮነ(፪)

ዘይቤ ኢመጸእኩ እጸውዕ ጻድቃነ አላ ኃጥአነ ለንሥሐ(፪)

ዚቅ

በትረ አርን እንተ ሠረፀት ። ወባቲ ይገብሩ ተአምረ በውስተ አህዛብ እስመ አርአያ መስቀል ይአቲ።

ማኅሌተ ጽጌ እንዘ ተሐቅፊዮ ለሕፃንኪ ጽጌ ፀዓዳ ወቀይሕ።አመ ቤተ መቅደስ በእኪ በዕለተ ተአምር ወንጽሕ። ንዒ ርግብየ ትናዝዝኒ እምላህ። ወንዒ ሠናይትየ ምስለ ገብርኤል ፍሡሕ። ወሚካኤል ከማኪ ርኅሩኅ።

ወረብ

ንዒ ርግብየ ትናዝዝኒ ንዒ ርግብየ ምስለ ሚካኤል(፪)

ወንዒ ሠናይትየ ምስለ ገብርኤል ገብርኤል ፍሡሕ ሊቀ መላእክት(፪)

፪ኛ የጽጌ ስድስተኛ እሁድ ላይ ሲውል የሚወረበው ደግሞ

እንዘ ተሐቅፊዮ ለሕፃንኪ ለሕፃንኪ ጽጌ ፀዓዳ ወቀይሕ(፪)

ንዒ ርግብየ ምስለ ገብርኤል ወንዒ ሠናይትየ ምስለ ሚካኤል(፪)

ዚቅ

ንዒ ርግብየ ሰላማዊት ተመየጢ ወንርአይ ብኪ ሰላም በአምሳለ ወርቅ ይግብሩ ለኪ ኩሰኩሰ ዘብሩር ።አመ ወለደቶ አርአያ ወሰደቶ ።በትእምርተ መስቀል።ትፍሥሕትኪውአቱ ።በርሃንኪ ውአቱ ሰላምኪ።

ማኅሌተ ጽጌ ከበበ ጌራ ወርቅ ጽሩይ እምዕቄ ባሕርይ ዘየኃቱ። ዘተጽሕፈ ብኪ ትእምርተ ስሙ ወተዝካረ ሞቱ። አክሊለ ጽጌ ማርያም ለጊዮርጊስ ቀጻላ መንግሥቱ። አንቲ ኩሎ ታሰግዲ ሎቱ።ወለኪሰ ይሰግድ ውአቱ።

ወረብ

ከበበ ጌራ ወርቅ ጽሩይ ከበበ ጌራ ወርቅ ዘየኃቱ እምዕቄ ባሕርይ(፪)

አክሊለ አክሊለ ጽጌ ማርያም ለጊዮርጊስ ቀጻላ መንግሥቱ(፪)

፪ኛ የጽጌ ስድስተኛ እሁድ ላይ ሰውል የሚወረበው ደግሞ
ከበበ ጌራ ወርቅ ጽሑፍ ከበበ ጌራ ወርቅ ዘየኃቱ እምዕቁ ባሕርይ(፪)
አክሊለ ጽጌ ማርያም ቀጻላ መንግሥቱ ለጊዮርጊስ መንግሥቱ ለእግዚአብሔር(፪)

ዚቅ

አክሊሎሙ ለሰማዕት ተስፋ መነካሳት ሠያሚሆሙ ለካህናት ነያ ጽዮን መድኃኒት።

ዓዲ (ሁለተኛ አማራጭ)

ሰአሊ ለነ ማርያም አክሊለ ንጹሐን ብርሃነ ቅዱሳን።

ማገሌተ ጽጌ አድጎንኒ በተአምርኪ ዳግመ ኢያስቆቁ። ሰቆቃወ ዚአኪ ደንግል ይበቀሳኒ በሕቁ።እስመ አንቲ ወትረ መድኃኒተ አዳም ወደቁቁ።ጎልዩ ኃጥአነ እስከ አድጎነ በጽድቁ። ከመ ጽጌኪ ንጉሥ ተሰቅለ ዕራቁ።

ወረብ

አድጎንኒ ኢያስቆቁ በተአምርኪ አድጎንኒ በተአምርኪ ወላዲተ ቃል(፪)
እስመ አንቲ ወትረ መድኃኒተ አዳም ወደቁቁ በተአምርኪ(፪)

ዚቅ

አዘክሪ ድንግል ለወልድኪ ዕርቃኖ ። እስመ ሰለብዎ አይሁድ ከዳኖ ።ለአማዑተ ከርሥኪ ነበልባለ ጎዘን ዘአርሰኖ ።

ዓዲ (ሁለተኛ አማራጭ)

ማርያምሰ ተሐቱ እምትካት ውስተ ከርሡ ለአዳም ከመ ባህርይ ፀዓዳ ።እስመ በእንቲአሃ ወበእንተ አዝማዲሃ ተሰቀልኩ ዲበ ዕፅ ይቤ ።ከመ አድጎኖሙ አዳምሃ አቤልሃ ።አብርሃምሃ ይስሐቅሃ ወያዕቆብሃ ።ወባዕዳነ ነቢያተ እለ ከማሆሙ አቀቡ ሕግየ ከመ በላዕሌሆሙ እሰባሕ እስከ ለዓለመ ዓለም ።

ሰቆቃወ ድንግል እስከ ማዕዘኑ እግዝእትየ ማርያም ውስተ ምድረ ነኪር ትሄልዊ ።ሀገረኪ ናሁ ገሊላ ዕትዊ ። ለወልድኪ ሕፃን ዘስመ ናዝራዊ ።ለክብረ ቅዱሳን በከመ ይቤ ያዝያን ዜናዊ ። እምግብፅ ይጸውዖ አቡሁ ራማዊ ።

ወረብ

ናሁ ሃገረኪ ገሊላ ዕትዊ እግዝእትየ እስከ ማዕዘኑ ትሄልዊ ውስተ ምድረ ነኪር(፪)
እምግብፅ ይጸውዖ አቡሁ ራማዊ ለክብረ ቅዱሳን (፪)

ዚቅ

ትንቢተ ኢሳይያስ ዘተብህለ እምግብፅ ጸዎዕክዎ ለወልድየ ለክብረ ቅዱሳን ።

ዓዲ (ሁለተኛ አማራጭ)

አንቀጻ ክብሮሙ ለቅዱሳን።ሰዓሊ ለነ ማርያም እሙ ለመድጎን ።

መልከዓ መድኃኔ ዓለም ሰላም ለመታክፍቲክ እለ ጾራ መስቀለ ። ወለዘባንክ ሰላም በዘባነ ኪሩብ ዘተልዕለ ። መድኃኔ ዓለም ክርስቶስ ዘኢተአምር በቀለ።ተማጎፀንኩ በጻድቃኒክ እለ ወሀብኩሙ ቃለ ። ዘጸውዓ ስመኩሙ እምህር ብሂለ ።

ዚቅ

ሃሌ ሉያ ሃሌ ሉያ ሃሌ ሉያ ። በአማን ቃልከ አዳም ።ዘተሰቀልከ በእንተ ኃጥአን። በአማን ቃልከ አዳም ። ከመ ትቤዙ ነፍሰ ጻድቃን ። በአማን ቃልከ አዳም ። በአማን ቃልከ አዳም ።

ወረብ

ሃሌ ሉያ በአማን አዳም ቃልከ አዳም (፪)
ዘተሰቀልከ በእንተ ኃጥአን መድኃኔ ዓለም (፪)

ሹብሻብ

ሃሌ ሉያ ቃልከ አዳም ሃሌ ሉያ ቃልከ አዳም (፪)
መድኃኔ ዓለም መድኃኔ ዓለም በአማን ቃልከ አዳም (፪)

አገርጋሬ ሃሌ ሉያ እስመ ውእቱ ክብሮሙ ለቅዱሳን ። መድኃኒቶሙ ለጻድቃን ። አሠርገዋ ለምድር በጽጌ ሮማን ስብሐተ ዋህድ ዘምስለ ምህረት በመስቀሉ ወበቃሉ አዕበዮሙ ለአበዊነ ።

አመላለስ

በመስቀሉ ወበቃሉ (፪)
አዕበዮሙ ለአበዊነ(፬)

ወረብ

እስመ ውእቱ ክብሮሙ ለቅዱሳን ። መድኃኒቶሙ ለጻድቃን (፪)
አሠርገዋ ለምድር በጽጌ ሮማን በመስቀሉ ወበቃሉ አሠርገዋ ለደብረ ሰላም(፪)

እስመ ለዓለም እስመ አንተ ትክል አንጽሐትየ እግዚአ ።ወበቃልከ እለ ለምፅ አንጻሕክ ። ወበጽጌያት ምድረ አሠርገኩ ። ወበመስቀልከ ለጻድቃን አብራህክ ።

አመላለስ

ወበጽጌያት ምድረ አሠርገኩ (፪)
ወበመስቀልከ ለጻድቃን አብራህክ(፬)

መዝሙር ሃሌ ሃሌ ሉያ ሃሌ ሃሌ ሃሌ ሉያ ። ጸገዩ ወይን ወፈርዮ ሮማን ። ወፈርዮ ኩሉ ዕፅወ ገዳም ።ቀንሞስ ዕቅረ ማየ ልብን ። ሠርዓ ለነ ሰንበተ ለዕረፍተ ዚአነ ።

ጸገዩ ጽጌያት ጸገዩ ደንጉላት።

አዝማቸ ሠርዓ ለነ ሰንበተ ለዕረፍተ ዚአነ ።

ኃለፈ ክረምት ቆመ ። ተሠርገወት ምድር በሥነ ጽጌያት።

አዝ ሠርዓ ለነ ሰንበተ ለዕረፍተ ዚአነ ። እግዚአ ለሰንበት ወእቡሃ ለምህረት። ሠርዓ ለነ ሰንበተ ለዕረፍተ ዚአነ ። ሠርዓ ለነ ሰንበተ ለዕረፍት ወለመድኃኒት።

አመላለስ

ሠርዓ ለነ ሰንበተ ለዕረፍተ ዚአነ (፪)
ሠርዓ ለነ ሰንበተ ለዕረፍት ወለመድኃኒት(፬)

ተፈጸመ